

BOSNA I HERCEGOVINA
FEDERACIJA BOSNE I HERCEGOVNE
TUZLANSKI KANTON
OPĆINSKI SUD U BANOVIĆIMA

Broj: 127 0 Pr 082596 25 Zm
Banovići, 30.07.2025. godine

Općinski sud u Banovićima, sudija Damir Dautović, rješavajući po zahtjevu Ministarstva unutrašnjih poslova Zenica, Uprava policije, PU III, Policijska stanica Zavidovići, za izricanje zaštitnih mjera učiniocu nasilja u porodici L. S., broj: 08-02-10/1-03-21471/25 od 29.07.2025. godine, na osnovu člana 44. tačka b) Zakona o zaštiti od nasilja u porodici i nasilja prema ženama u Federaciji BiH, („Službene novine F BiH”, broj:19/25), dana 30.07.2025. godine, donio je

RJEŠENJE

Obustavlja se postupak za izricanje zaštitnih mjera protiv L. S., sin M., rođen ... godine, u mjestu O., Grad Z., nastanjen u mjestu V. — C. bb., sa prebivalištem na adresi ..., Općina B., oženjen, državljanin BiH, JMBG

Obrazloženje

Ministarstvo unutrašnjih poslova Zenica, Uprava policije, PU III, Policijska stanica Zavidovići, dana 30.07.2025. godine, podnijelo je Zahtjev za izricanje zaštitnih mjera, broj: 08-02-10/1-03-2-1471/25 od 29.07.2025. godine, kojim se traži da se L. S., izreknu zaštitne mjere: zabrana približavanja žrtvi nasilja i zabrana komunikacije, uznemiravanja i uhođenja žrtve nasilja, iz razloga što postoje osnovi sumnje da je počinio radnje nasilja u porodici iz člana 9. stav 1. tačka a) Zakona o zaštiti od nasilja u porodici i nasilja prema ženama u F BiH. U zahtjevu se navodi da je Policijska stanica Zavidovići, 29.07.2025. godine, zaprimila Akt policijske stanice Banovići, broj: 08-06/13-1-03.42628/25 — SvM od 25.07.2025. godine, kojim se obavještava PS Zavidovići da je dana 1.07.2025. godine, u 17,10 sati, medicinar hitne službe Doma zdravlja Banovići, putem telefona, obavijestio Policijsku stanicu Banovići da se u hitnu službu Doma zdravlja Banovići za lječarsku pomoć obratila L. R. sa povredom desnog oka, te je izjavila da ju je istog dana oko 13,00 sati, njen muž L. S., nakon kraće prepirke u porodičnoj kući, u mjestu C., Grad Z., rukama udario u predjelu glave. Dežurni rukovodilac smjene PS Zavidovići je na adresu stanovanja L. S. uputio patrolu policije koja je pronašla L. S. i lišila ga slobode zbog postojanja osnova sumnje da je počinio krivično djelo nasilje u porodici iz člana 222. stav 2. u vezi sa stavom 1. Krivičnog zakona F BiH. U službenim prostorijama PU Banovići, dana 24.07.2025. godine, u svojstvu svjedoka saslušana je L. R., a 29.07.2025. godine, u svojstvu osumnjičenog ispitan je L. S.. Obavljena je konsultacija sa radnikom JU Centar za socijalni rad Zavidovići, oko predlaganja zaštitne mjere, te je sačinjen zapisnik o konsultaciji s organom starateljstva kod predlaganja zaštitnih mjera. Imajući u vidu navedeno, predlaže da sud izrekne navedene zaštitne mjere u trajanju od tri mjeseca. Uz zahtjev, dostavljene su fotokopije: Akta Policijske stanice Banovići od 25.07.2025. godine, Zapisnik o lišenju slobode L. S. od 29.07.2025. godine, Medicinska dokumentacija na ime L. S. od 29.07.2025. godine, Zapisnik o saslušanju svjedoka L. R. od 24.07.2025. godine, Zapisnik o prijavljenom nasilju u porodici i pitanja za žrtvu nasilja u porodici — percepciji žrtve od 24.07.2025. godine, Ocjena rizika od ponavljanja nasilja

u porodici od 24.07.2025. godine, Zapisnik o konsultaciji s organom starateljstva kod predlaganja zaštitnih mjera od 29.07.2025. godine, Naredba o izricanju hitnih mjera zabrane od 29.07.2025. godine i Zapisnik o ispitivanju osumnjičenog L. S..

S obzirom da se u zahtjevu za izricanje zaštitnih mjera navodi da postoje osnovi sumnje da je L.S., počinio radnju nasilja u porodici prema svojoj bračnoj partnerici, koja je prilikom saslušanja u svojstvu svjedoka, u skladu sa odredbom člana 97. stav 1. tačka a) Zakona o krivičnom postupku F BiH, odbila svjedočiti protiv svog bračnog partnera, što je utvrđeno uvidom u Zapisnik PU Banovići o saslušanju svjedoka L. R. od 24.07.2025. godine, primjenom odredbe člana 44. tačka b) Zakona o zaštiti od nasilja u porodici i nasilja prema ženama u F BiH, kojom je propisano da će sud obustaviti postupak za izricanje zaštitnih mjera kada se utvrdi da ne postoje uvjeti za izricanje zaštitnih mjera propisanih ovim zakonom, odlučeno je kao u izreci rješenja.

Sud je cijenio i Zapisnik PS Zavidovići o ispitivanju osumnjičenog L. S. od 29.07.2025. godine, iz kojeg proizlazi da je u braku sa L. R. od 2013. godine, da su porodičnoj kući živjeli sve do 11.07.2025. godine, da se tog dana nije svađao sa suprugom, nego je ona njega bez ikakvog povoda povukla za uho, te mu je počela teći krv. Tvrdi da je L. R., povredu desnog oka, koju ona navodi, zadobila vjerovatno prilikom pada na stolicu ili čošak stola, dok ga je napadala.

Imajući u vidu da je zahtjev za izricanje zaštitnih mjera podnesen na osnovu Prijave o događaju PU Banovići od 11.07.2025. godine i Akta PU Banovići, broj: 08-06-/13-103.4-2628/25 - SvM od 25.07.2025. godine, a koja prijava je sačinjena na osnovu izjave bračne partnerice, koja je u daljem toku postupka odbila svjedočiti protiv svog bračnog partnera, sud navedenu dokumentaciju, kao i ostalu dokumentaciju dostavljenu uz zahtjev, nije mogao cijiniti.

Sudija
Damir Dautović

Pouka o pravnom lijeku: Žalbu na rješenje može izjaviti podnosilac zahtjeva i žrtva nasilja. Žalba se podnosi Kantonalnom sudu u Tuzli, putem ovog suda, u roku od tri dana od dana prijema rješenja. Žalba se izjavljuje u tri primjerka.